

Bosna i Hercegovina
Federacija Bosne i Hercegovine
Tuzlanski kanton
Ministarstvo poljoprivrede,
šumarstva i vodoprivrede
- Direkcija voda -

INFORMACIJA O PROJEKTU

POSTROJENJE ZA PRIPREMU PITKE VODE SA IZVORIŠTA "KRUŠIK", OPĆINA KALESIJA

Tuzla, decembar 2004. godine

INFORMACIJA O PROJEKTU

POSTROJENJE ZA PRIPREMU PITKE VODE SA IZVORIŠTA "KRUŠIK", OPĆINA KALESIJA

UVOD

Vlada Tuzlanskog kantona dobila je kreditna sredstva Svjetske banke, za izradu i realizaciju Prostornog plana Tuzlanskog kantona.

U sklopu realizacije Prostornog plana Tuzlanskog kantona, prema sektorskoj studiji "Vodoprivreda", predviđeno je i finansiranje izgradnje Postrojenja za pripremu pitke vode sa izvorišta "Krušik", općina Kalesija.

Grad Kalesija i naseljena mjesta općine Kalesija već dugi niz godina osjećaju veliku nestašicu za pitkom vodom. Prije rata Kalesija sa prigradskim naseljima snabdijevala se vodom sa izvorišta Studenac udaljenog oko 11,0 km od naselja, izdašnosti $q = 4-14$ l/sek.

U toku ratnih dejstava izvorište Studenac stavljeno je van funkcije, kao i neka lokalna izvorišta. Time su gradu Kalesiji ostala na raspolaganju samo lokalna izvorišta, čija izdašnost ni približno nije mogla zadovoljiti iskazane potrebe.

Ovakva alarmantna situacija u snabdijevanju vodom navedenog područja, uslovia je pokretanje aktivnosti na sagledavanju mogućnosti obezbjeđenja potrebnih količina pitke vode za grad Kalesija.

1997. godine urađen je Glavni projekat snabdijevanja vodom naselja Kalesija, u okviru kojega je, kao izvorište, predviđeno korištenje podzemnih voda Sprečkog polja na lokalitetu "Krušik". Sistem je dimenzioniran na perspektivne potrebe za vodom procijenjene u 2020. godini.

1. OPĆI PODACI

Za izbor najpovoljnijeg ponuđača za realizaciju Postrojenja za pripremu pitke vode sa izvorišta "Krušik", općina Kalesija, predviđena je procedura međunarodnog javnog nadmetanja, uz provođenje postupka prednadmetanja – predkvalifikacije.

Javni poziv za predkvalifikaciju (izražavanje interesa) objavljen je u:

- "Službenim novinama F BiH", od 25.12.2004. godine
- dnevnom listu "Avaz" i "Oslobođenje" od 25.12.2004. godine, koji izlaze i van područja Bosne i Hercegovine,
- web stranici Vlade Tuzlanskog kantona: www.vladatk.kim.ba

Vlada Tuzlanskog kantona poziva zainteresirane pravne subjekte da dostave zahtjev za učestvovanje na nadmetanju za izbor podobnih i kvalifikovanih ponuđača za izvođenje radova na Postrojenju za pripremu pitke vode sa izvorišta "Krušik", općina Kalesija.

Realizacija Postrojenja za pripremu pitke vode sa izvorišta "Krušik", općina Kalesija, predviđena je po sistemu "ključ u ruke".

Pravo učešća na nadmetanju imaju pravni subjekti koji su registrirani za obavljanje djelatnosti za koju se raspisuje i objavljuje nadmetanje, što dokazuju rješenjem o registraciji.

2. TEHNIČKI PODACI

2.1. Sadašnje stanje

Tokom 1999. godine došlo je do realizacije I faze Glavnog projekta snabdijevanja vodom naselja Kalesija, donatorskim sredstvima Norveške vlade, u okviru koje su izvedeni sljedeći objekti:

- tri bušena bunara, dubine 16 – 35 m, ukupnog kapaciteta cca 35 l/sek, na lokalitetu "Krušik",
- potisni cjevovod: bunari – pumpna stanica "Krušik",
- pumpna stanica "Krušik", kapaciteta 28,5 l/s
- potisni cjevovod: pumpna stanica "Krušik" - rezervoar "Međaš",
- rezervoar "Međaš",
- gravitacioni cjevovod: rezervoar "Međaš" - postojeći rezervoar "Kalesija".

Ispitivanja kvaliteta zahvaćene vode sa izvorišta «Krušik» ukazuju da voda ne zadovoljava uslove iz Pravilnika o higijenskoj ispravnosti vode za piće, te je potrebno obezbijediti njeno kondicioniranje, mada se voda trenutno šalje u gradsku vodovodnu mrežu, samo uz dezinfekciju hlorom.

U I fazi izgradnje tehnički je predviđena mogućnost priključenja sistema na Postrojenje za pripremu pitke vode, te rezervisan prostor za njegovu izgradnju.

2.2. Postrojenje za pripremu pitke vode

2.2.1. Kapacitet

Prema Idejnom projektu postrojenja za tretman voda sa izvorišta "Krušik" u općini Kalesija, urađenom od strane "ES Hydrotechnics", Sarajevo 2003. godine, projektovano je postrojenje kapaciteta **30 l/s** pitke vode.

2.2.2. Kvalitet sirove vode

"Kritični" pokazatelji kvaliteta sirove vode u odnosu na kvalitet zahtijevan Pravilnikom o higijenskoj ispravnosti vode za piće ("Službeni list SFRJ", br:33/87), su:

- Mn,
- Fe,
- amonijak (N),
- nitriti (N),
- elektrovodljivost, i
- bakteriološko zagađenje.

2.2.3. Tehnološki proces

Na osnovu Idejnog projekta postrojenja, kao i izvršenih dodatnih istražnih radova, predviđena je sljedeća shema pripreme pitke vode:

- aeracija,
- retenzija sa dinamičkim bistrenjem vode,
- filtriranje (pješčani filteri),
- dezinfekcija vode sa hlordioksidom.

U fazi nadmetanja, bit će omogućeno ponuđaču da ponudi:

- vlastito tehničko-tehnološko rješenje za pripremu pitke vode,
- izmjenu pojedinih tehnoloških jedinica, i/ili dopunu novim tehnološkim jedinicama,
- drugi tehnološki proces pripreme pitke vode, uz uslov garantovanog kvaliteta pripremljene/izlazne vode – u skladu sa Pravilnikom o higijenskoj ispravnosti vode za piće ("Službeni list SFRJ", br:33/87).

3. PRIPREMA ZAHTJEVA ZA UČEŠĆE NA NADMETANJU

3.1. Potrebno je da proučite sve podatke i instrukcije naznačene u dokumentima ovog ponudbenog elaborata. Nedostatak u ponudi zahtijevanih podataka biće na vašu vlastitu odgovornost i može prouzrokovati odbijanje vašeg zahtjeva za učešće na nadmetanju.

3.2. Priprema zahtjeva za učešće na nadmetanju za nerezidente F BiH:

- FIDIC - Standardni obrazac za predkvalifikaciju izvođača radova
- Pismena mišljenja - preporuke ovjerene i potpisane od strane korisnika postrojenja koje je ponuđač izgradio, o njegovoj uspješnosti realizacije

3.3. Priprema zahtjeva za učešće na nadmetanju za rezdente F BiH:

Za vrijeme pripreme zahtjeva, morate posebnu pažnju obratiti na slijedeće:

3.3.1. Ako smatrate da vaša firma nije kvalifikovana za sve navedene zadatke, možete angažovati druge firme i subjekte. Nema ograničenja zajedničkog nastupa.

3.3.1. Uz vaš ponudbenoj dokumentaciji morate priložiti Ugovor, odnosno dokument u kojem je naznačeno da zajednički, na partnerskoj osnovi učestvujete u realizaciji projekta, odnosno jasno naznačiti ko je nosilac projekta i ko je od ponuđača zadužen za određene aktivnosti.

3.3.2. Ponudiodci iz zajedničke ponude su obavezni dokazati zajedničku sposobnost za dostavljenu ponudu i pojedinačnu sposobnost za svoj dio ponude, a sve u skladu sa članom 24.stav 5 Uredbe o postupku nabavke robe, vršenju usluga i ustupanju radova ("Službene novine Federacije BiH", broj:34/04) (u daljem tekstu:Uredba).

Nosilac ponude ne može mijenjati podizvođača-partnera u zajedničkoj ponudi bez prethodne pismene saglasnosti Investitora.

U slučaju davanja netačnih, neistinitih informacija, podataka, Komisija neće uzeti ponudbenu dokumentaciju u daljnje razmatranje, odnosno, isključuje ponuđača iz ovog javnog natječaja.

- 3.4. Vaš zahtjev za učešće na nadmetanju mora sadržavati sljedeće informacije koristeći, ali ne ograničavajući se na sljedeće dokumente:
 - 3.4.1. Ovjeren Izvod iz sudskog registra sa priložima iz kojih se vidi da je registrovan za obavljanje traženih poslova,
 - 3.4.2. Izjava ponuđača da nema smetnji da učestvuje na nadmetanju u smislu odredbi iz člana 35. stav 1, tačka 1, 6 i 7 Uredbe,
 - 3.4.3. Dokaz o ispunjavanju plaćanja obaveza po osnovu javnih prihoda - član 35. stav 1. tačka 3. Uredbe,
 - 3.4.4. Dokaz o ispunjavanju uslova u skladu sa članom 35. stav 1. tačka 2, 4 i 5 Uredbe od nadležnog suda,
 - 3.4.5. Spisak vlastite opreme neophodne za realizaciju natječajnog posla,
 - 3.4.6. Kratak opis organizacije Ponuđača i dosadašnje iskustvo na traženim poslovima – realizacije postrojenja za pripremu pitke vode, sa posebnim akcentom na poslove realizovane u posljednjih pet godina. Informacije koje budete naveli za svaki dosadašnji posao između ostalog treba da sadrže imena stručnjaka angažovanih na tim poslovima, vrijeme (godinu) i vrijednost realizovanog posla, Investitora za koga je posao rađen.
 - 3.4.7. Sastav ključnog osoblja predviđenog za realizaciju radova,
 - 3.4.8. Finansijsko stanje firme – kopije zadnja tri godišnja izvještaja i druge finansijske podatke za koje smatrate da mogu biti korisni.
 - 3.4.9. Pismena mišljenja - preporuke ovjerene i potpisane od strane korisnika postrojenja koje je ponuđač izgradio, o njegovoj uspješnosti realizacije

Napomena: Za dokumente pod 3.3.2, 3.3.3, 3.3.4, potrebno je dostaviti originale ne starije od mjesec dana od dana otvaranja ponuda ili ovjerene kopije istih. Za dokumente pod 3.3.8. dostaviti ovjerene kopije istih.

4. DOSTAVLJANJE PONUDE

Ponudu treba dostaviti u jednom primjerku (original), u zapečaćenoj koverti.

Na koverti mora biti jasno napisano:

NE OTVARATI, OSIM U PRISUSTVU KOMISIJE ZA OTVARANJE PONUDA

Zahtjev za učešće na nadmetanju

**POSTROJENJE ZA PRIPREMU PITKE VODE SA IZVORIŠTA "KRUŠIK",
OPĆINA KALESIJA**

Vaš kompletirani zahtjev za učešće na nadmetanju mora biti dostavljen prije roka naznačenog u oglasu – 25.01.2005. godine u 12,00 sati.

5. EVALUACIJA PONUĐAČA

- 5.1. Otvaranje dostavljenih zahtjeva za učešće na nadmetanju obaviti će se 25.01.2005. godine u 13,00 sati.

- 5.2. Podnosilac zahtjeva za učešće na nadmetanju dužan je podnijeti sve tražene priloge. Izostavljanje jednog od traženih dokumenata rezultovat će eliminiranjem podnosioca iz postupka predkvalifikacije i daljeg nadmetanja.
- 5.3. Ponude će biti evaluirane koristeći slijedeće kriterije i bodovni sistem
- | | |
|---|------------------|
| - refernsna lista na sličnim projektima | 30 poena |
| - kvalificiranost i kompletnost ključnog osoblja | 30 poena |
| - finansijsko stanje | 20 poena |
| - oprema | 10 poena |
| - <u>preporuke za realizovane slične projekte, od korisnika istih</u> | <u>10 poena</u> |
| UKUPNO: | 100 poena |
- 5.4. Za strane ponuđače – prednost imaju podnosioci koji dostave izjavu da će kod izvođenja radova (pripremni, građevinski, montažni...), angažirati domaće firme.

6. KONTAKT INFORMACIJE

Za sve dodatne informacije po pitanju projekta Postrojenja za pripremu pitke vode sa izvorišta "Krušik", općina Kalesija, može se kontaktirati sa :

Federacija Bosne i Hercegovine
Tuzlanski kanton
**Ministarstvo poljoprivrede,
šumarstva i vodoprivrede**
Aleja bosanskih vladara br.2.
75000 Tuzla – Bosna i Hercegovina
Tel/Fax: (035) 252-674
e-mail:dirvoda@inet.ba

Federacija Bosne i Hercegovine
Tuzlanski kanton
**Ministarstvo prostornog uređenja
i zaštite okoline**
Aleja bosanskih vladara br.2.
75000 Tuzla – Bosna i Hercegovina
Tel/Fax: (035) 251-292, 251-293
e-mail:zzahid@tk.kim.ba

Kontakt osobe:

Mirela Uljić, dipl.ing.građ.

mr Zahid Arnautalić, dipl.ing.tehn.